



Universitätsbibliothek Paderborn

**Origines Benedictinae, Siue Illvstrivm Coenobiorvm Ord.
S. Benedicti, Nigrorvm Monachorvm, Per Italiam,
Hispaniam, Galliam, Germaniam, Poloniam, Belgium,
Britanniam, aliasque Prouincias. Exordia Ac ...**

Le Mire, Aubert

Coloniae Agrippinae, 1614

Murbachium in Superiore Alsatia.

urn:nbn:de:hbz:466:1-11261

VVicterpo Episcopo Augustano; dotatum ve-
rò à Leopoldo Austriæ Marchione, & Guel-
phone Sueorum Duce. Ita ferè Bruschius.

Murbachium in Superiore Alsatia.

Est hoc monasterium unum ex quatuor Germaniæ potentissimis, quorum Abba-
tes singulari dignitate ceteris Abbatibus præ-
eminent, & ut Romani Imperij Principes,
omnibus Imperij causis interesse solent. Fun-
datum legitur anno circiter 724. ab Eberardo
Sueviæ & Alemanniæ Duce, petente S. Pirmi-
nio Meldensi Episcopo, & approbante Theo-
derico Francorum Rege. Cuius diploma haud
abs refuerit hic adscribere.

724.

*Theodericus Rex Francorum, viris apostoli-
cis, Patribus, Episcopis, nec non & illustribus
viris, Ducibus, Patricijs, Comitibus, vel omnibus
agentibus tam presentibus quam futuris, &c.
Igitur dum venerabilis vir Pirminius gratia Dei
Episcopus, nostris temporibus cum monachis suis
Deo inspirante pro Euangelio Christi peregrina-
tione suscepta, monasterium virorum in eremo
vasta quæ Vosagus appellatur, in pago Alsacensi,
in loco qui vocatur Villarius peregrinorum, qui
ante appellatus est Murbach, allodio fidelis nostri
Ebrohardi Comitis, cum ipsius adiutorio, Deo co-
operante, conatus est construere monasterium,
vel cœnobium sanctum ibidē instituere in hono-
rem Dei & genitricis, D. nostri Iesu Christi, &c.*

Gun-



Gundolfi villa in Dei nomine feliciter, Amen.

*Fabarium, in D. Churiensi Germanicè Pfef-
fers.*

734.

Fundatum id legitur suasu S. Pirminij Episcopi Meldensis, & Abbatis primi in Augia diniti, sumptibus Caroli Martelli, sub Theoderico II. Galliarum Rege, eodemque Alemanniæ, Rhetiæ, & Heluetiæ Domino anno Christi 734. Primus Abbas Fabariensis fuit dictus S. Pirminius, multorum cœnobiorum pater atque instaurator. Sunt autem thermæ Fabarienses apud Germanos nobilissimæ utpote saluberrimæ. Ita ferè Bruchius libro citato.

*Manseense monasterium, vulgò Mansee, in
Austria.*

739.

Monasterium hoc Vtilo Dux, instinctu S. Pirminij, Episcopi Metensis, prope Menen lacum Noricorum construxit, circa annum 739. Auentinus in Annalibus: Mansee Noricorum adem, ab Episcopis Ratisbonensis in paupertatem redactam, D. Benedicti imposito magistro reddit Imperator Henricus sanctus. Idem Auentinus; Baturicus Episcopus Ratisbonensis hoc monasterium ab Emma Regina Boiorum impetrarat an. 831. Ipsa ab eodem superius monasterium Ratisbonense receperat.

Inser.